



TRACTATUS DVO. DECIMVS.

DE LAVDANO OPIATO THEOPHRASTI.

Wahrhaftige Beschreibung der

rechten Præparation des vortreflichen Arzneymittels LAV-
DANI OPIATI THEOPH. PARACELSI,

neben guten bericht/seiner krefftigen / vnd vom vornehmen Leib vnd
Wundtärzten/offt experimentirten gewaltigen Wirkun-
gen vnd rechten gebrauch.

Im Opij Thebaici den zerschneide auffß dünne sie/
vnd zerlaß ihn in guten scharffen gedestillirten Weinessig/
die Resolution colire oder senhe durch ein härin tuch/die re-
manentz exprimire wol / alsdann was sich durchgesiegen
vnd exprimiret hat / zusammen vber gelindem Kolfewer
fein sanfft vnd gemählich eintrucken lassen.

Ferner nim Egyptische Mumiam / die purgire also/dasß du sie in wars-
men Wasser lassst zergehen / hernach durch ein härin Tuch colirest, ex-
primirest, vnd auff sanfftem Fewr gemählich eintrucknest / vnd in allem
also procedirest/wiemit dem Opio geschehe ist. Nach diesem extrahire sie
per Spiritum vini von ihrer terrestret/vnd zu lezt dat extractum auch
eingetrucknet.

Nun soltu weiter nemen radices hyosciami, die müssen im Herbst
vnd im Zeichen der Wage gegraben seyn / da findet man an der alten Wur-
zel viel kleiner junger Würzlein/ die seyn die allerbesten / vnd voller Saft/
die